



UNIVERSITÄTS-
BIBLIOTHEK
PADERBORN

Imago Primi Saecvli Societatis Iesv

Bolland, Johannes

Antverpiae, 1640

Lectori S.

[urn:nbn:de:hbz:466:1-97844](https://nbn-resolving.org/urn:nbn:de:hbz:466:1-97844)

LECTORI S.



QVAM QVAM recta & plana sunt omnia, qua hic leges; ne quo tamen vel casu vel infortunio offendas in ipso limine, de illo sic habeto. Societatem IESV, hoc eius Seculari anno, exhibere mundo placuit. Illa est igitur qua virginis, etiamnum etate sua florentis, & tamen matura, decoro habitu conspicua, & sublimis in medio sedet. Lumen, quod hic ostendit sidus, quod proponit orbi terrarum, Dominus IESVS est. Hunc quia Societas nostra gerit in oculis, quia gestat in pectore, quia representat in nomine, non se ostentat illa, quantumcumque conspicua; sed IESVM suum: ideoq; ad imminentes suo capiti caelestes genios, cum triplici Doctrina, Martyrij, & Virginitatis aureola, velut ex merito danda, atque inter geminos hinc inde Tubicines, Jubileum Societatis magnifice praedicantes, memor ipsa Instituti & Auctoris sui, Non nobis, inquit, Domine, non nobis, sed nomini tuo da Gloriam. Huic videlicet uni contra Fidei Virtutisq; desertores adserendo calamum stringit: huius Crucem, hoc est triumphale signum militiae sua, vel in medijs flammis quidlibet interim passura, non deserit: ad huius submissionem, qua licet, sectandam, & utcumque moribus exprimendum eum, qui, posito diademate Diuinitatis sua, ad natura nostra abiectionem se ipse demisit, infra se habet omnia cuiuscumque dignitatis insignia, proscripta procul a se voto singulari; nihil dubitans sibi etiam oblata contemnere, qua elata in alieno vertice quam demississime veneratur. Adhuc subiectum eius pedibus tempus est, illud scilicet, quod primum iam emensa saeculum recte contriuit, eternitatem porro, (quandoquidem in primo etiamnum vigore virtutis est) in votis & oculis habitura. Et hanc illi, quasi certam, spondet quatuor solennium (vt sacra Jura loquuntur) votorum cura sollicita, qua occupatis circa Volumen primi saeculi quatuor Genijs exprimuntur. Illis adeo rem agentibus, publico quasi iure, translatum ad Societatem est, ex Davidis Psalmo 91. Carmen illud non iam saeculare, sed perenne: Adhuc multiplicabuntur in senecta vberi; & bene patientes erunt. Multiplicabuntur, inquam, etiamnum inuoluta, olim tamen explicanda, saecula Societatis nostra, quibus illa, ceu Palma plusquam centenaria, fructus feret in senecta vberi, & cum Phoenice, aue non iam unica, supra humana se erigens, suoq; IESV, velut soli, exposita, bene patiens erit; vt annuntiet, vitam semper nouam se haurire de caelo, operumq; suorum magnitudine, & senium in iuuentute,

Vlyff.
 Aldrou.
 Ornich.
 lib. 12.
 cap. 27.

Et nouo semper studio numquam interrupta virtutis iuuentutem in ipso senio possidere. Sic nimirum Societas vt Palma, siue, vt ex Græco vertit ille, vt Phoenix floreat.

Denique (quod, ne longior sim, verbo moneo) ternis, quæ ante columnas hinc & inde demittuntur, Emblematis singula singulorum sex librorum huiusce Voluminis argumenta respondent; unicâ ubique Lunâ Societatem unicam referente. Hæc enim, non aliter quàm illa, quodcumque habet, seu virtutis seu dignitatis suæ lumen, Soli suo IESV reddit acceptum.

Tert. lib.
de Resurr.
carnis c. 13

SYNOPSIS TOTIVS OPERIS.



AMICE Lector, cum propositum nobis hoc Opere sit imaginem tibi quamdam exhibere primi sæculi Societatis IESV; ne fortè diuersam à conceptu nostro tibi representes, opera pretium fuerit totius Operis Synopsim sub aspectum ponere. Itaque quemadmodum in omni vitâ Societas exemplar sui Ducis intuetur, sic in hoc scripto iisdem ferè vestigijs opus suum promouet, quibus CHRISTVS acceptum à Patre minus est executus.

Hic cum in formâ Dei esset, semetipsum exinaniuit formam serui accipiens, & instar mendicabuli in stabulo natus est. Ita Primus Liber Ignatium exhibebit primæ nobilitatis virum ad mendicabula redactum: & exinde natam hanc Minimam Societatem: cuius etiam Institutum compendio describit. LIBER I.
Philip. 2.

Post CHRISTI natiuitatem hoc de illo memorie proditum accepimus: IESVS proficiebat sapientiâ, & ætate, & gratiâ apud Deum & homines. Eius vestigijs insistentes Libro Secundo Crescentem exhibebimus Societatem, & ad hunc annum centesimum longè lateque propagatam. LIBER II.
Luc. 2.

Confirmatâ tandem ætate, cœpit IESVS facere & docere. Huius exemplo Liber Tertius Societatem producet Agentem, eiusq; varias functiones & exercitia. LIBER III.
Act. 1.

Sed quemadmodum CHRISTVS, post rem præclare gestam, indigna passus est, nobis relinquens exemplum, vt sequamur vestigia eius; ita Liber Quartus Societatem exhibebit Patientem, varijsque calumnijs ac persecutionibus exagitatam. LIBER IV.
1. Petr. 2.

Rursus quemadmodum CHRISTVS per passionem suam peruenit ad exaltationem nominis (vt loquitur Apostolus) & gloriam nullis terrarum finibus comprehensam; sic Liber Quintus post varias tempestates ac procellas, Societatem dabit Honoratam, & summorum virorum encomijs commendatam. LIBER V.
Philip. 2.

Denique Liber Sextus, & quasi singularis, quæ de Societate vniuersim quinque Libris tractata sunt, totidem ferè Capitibus Prouinciæ nostræ Flandro-Belgiæ conuenire demonstrabit. LIBER VI.

In hoc Opere si non omnia debitâ accuratione perpolita, aut ad incudem reuocata deprehenderit; facile, ni fallor, hoc affectui nostro erga charissimam matrem condonabis: qui ne Ludis hisce secularibus deesset, Tomum hunc opinione maiorem, sed vix semestri ab hominibus occupatissimis conceptum, compositum,